

დამტკიცებულია სსიპ „საქართველოს
ფიზიკური აღზრდისა და სპორტის
სახელმწიფო კოლეჯის დირექტორის
2020 წლის 26.06 № 03-09 ბრძანებით

სსიპ საქართველოს ფიზიკური აღზრდისა და სპორტის
სახელმწიფო კოლეჯი

უსაფრთხოების უზრუნველყოფის, წესრიგის დაცვისა და
პირველადი სამედიცინო დახმარების აღმოჩენის წესი



ქ.თბილისი, 2020 წ

მუხლი 1. ზოგადი დებულებები

1. წინამდებარე წესი განსაზღვრავს სსიპ საქართველოს ფიზიკური აღზრდისა და სპორტის სახელმწიფო კოლეჯში დასაქმებული პირების, პროფესიული სტუდენტების, მსმენელებისა და კოლეჯის ტერიტორიაზე მყოფი ვიზიტორების უსაფრთხოების უზრუნველყოფისა და პირველადი დახმარების აღმოჩენის მექანიზმებსა და პროცედურებს.

2. ამ წესით გათვალისწინებული მექანიზმებისა და პროცედურების განხორციელებაზე პასუხისმგებელია უსაფრთხოების უზრუნველყოფისა და პირველად სამედიცინო დახმარების აღმოჩენაზე პასუხისმგებელი პირები, ასევე კოლეჯის ხელმძღვანელი და თანამშრომლები საქართველოს კანონმდებლობისა და წინამდებარე წესის შესაბამისად.

მუხლი 2. უსაფრთხოების უზრუნველყოფის ფორმები

1. კოლეჯი უზრუნველყოფს:

ა) კოლეჯის კუთვნილი ქონების დაცვას;

ბ) კოლეჯის ტერიტორიაზე მყოფი ადამიანების უსაფრთხოების უზრუნველყოფას

გ) სამედიცინო დახმარების აღმოჩენას კოლეჯის შენობა-ნაგებობაში და მის ტერიტორიაზე მყოფი ნებისმიერი პირისათვის, რომელიც საჭიროებს აღნიშნულ დახმარებას;

დ) კოლეჯის შენობა-ნაგებობაში შეზღუდული შესაძლებლობის მქონე პროფესიული სტუდენტების/მსმენელების დახმარებას გადაადგილების დროს (ასეთების არსებობის შემთხვევაში);

ე) უსაფრთხოებისა და წესრიგის დაცვის მექანიზმებს;

ვ) საჭიროების შემთხვევაში შენობაში მყოფთა ევაკუაციას

მუხლი 3. უსაფრთხოებაზე პასუხისმგებელი პირის უფლებები და ვალდებულებები.

1. კოლეჯში წესრიგისა და უსაფრთხოების დაცვას უზრუნველყოფს უსაფრთხოების სპეციალისტი.

2. უსაფრთხოების სამსახურის სპეციალისტის კომპეტენციაში შედის:

ა) კოლეჯის სასწავლო აუდიტორიების, მატერიალური ფასეულობებისა და ინვენტარის მოვლა პატრონობა და დაცვა;

ბ) კოლეჯის შენობის უსაფრთხოებისა და დაცვის უზრუნველყოფა

გ) უსაფრთხოების სპეციალისტი აკონტროლებს და პასუხისმგებელია კოლეჯში და საერთო სარგებლობს ფართზე სახანძრო უსაფრთხოების მოთხოვნების დაცვაზე.

დ) ელექტროენერჯის, სანტექნიკის, და სხვა სისტემების დაცვა და უსაფრთხოების კოორდინაცია;

ე) კოლეჯის ტერიტორიაზე პროფესიულ სტუდენტთა, მასწავლებლებისა და ადმინისტრაციული პერსონალის უსაფრთხოებაზე ზრუნვა. საჭიროების შემთხვევაში შენობაში მყოფთა ევაკუაცია;

ვ) კოლეჯის ტერიტორიაზე წესრიგის დაცვის უზრუნველყოფა;

ზ) კოლეჯის ტერიტორიაზე შშმ პირების დახმარებას გადაადგილების დროს;

3. უსაფრთხოების სამსახურის სპეციალისტი ყოველი სამუშაო დღის ბოლოს ამოწმებს აუდიტორიებსა და კაბინეტებს (ელექტროგაყვანილობა, სანტექნიკა, კარ-ფანჯარა და სხვა);

4. წესრიგის დაცვის მიზნით უსაფრთხოების სამსახურის სპეციალისტი ახორციელებს კოლეჯის ტერიტორიაზე თამბაქოს, ალკოჰოლური და სხვა თრობის საშუალებების მოხმარების კონტროლს;

5. წესრიგის დარღვევის ფაქტის აღმოჩენის შემთხვევაში უსაფრთხოების სამსახურის სპეციალისტი ვალდებულია მოხსენებითი ბარათით მიმართოს კოლეჯის დირექტორს შემდგომი რეაგირების მიზნით;

6. უსაფრთხოების სამსახურის სპეციალისტი ანგარიშვალდებულია კოლეჯის დირექტორისა და დირექტორის მოადგილის წინაშე.

7. მოსთხოვოს კოლეჯში დასაქმებულებსა და პროფესიულ სტუდენტებს/მსმენელებს მისი მართლზომიერი მითითებების შესრულება.

მუხლი 4. უსაფრთხოებისა და წესრიგის დაცვის მექანიზმები

1. უსაფრთხოებისა და წესრიგის დაცვის მიზნით კოლეჯის შენობაში თვალსაჩინო ადგილას არის გამოკრული საევაკუაციო გეგმა, (რომლის შესაბამისად , საჭიროების შემთხვევაში, მოზდება შენობის უსაფრთხოდ დატოვება), წესრიგის დაცვის სხვა მანიშნებლები;

2. კოლეჯი აღჭურვილია ხანძარსაწინააღმდეგო ინვენტარით (ცეცხმაქრები), მისი გამოყენების ინსტრუქცია გამოკრულია აღნიშნულ ინვენტართან;

3. სტუდენტის ან/და კოლეჯის თანამშრომლის მხრიდან ეთიკის კოდექსის დარღვევის შემთხვევაში (ჩხუბი, კოლეჯის ინვენტარის დაზიანება, წესრიგის დარღვევა, უხამსი საქციელი, ბილწისტყვობა და სხვა) წესრიგის დაცვაზე პასუხისმგებელი უსაფრთხოების თანამშრომელი, რომელმაც აღმოაჩინა დარღვევა, ადმინისტრაციის შესაბამის უფლებამოსილ თანამშრომელთან ერთად ადგენს ოქმს, სადაც აღწერილია დარღვევის არსი, დამრღვევის მონაცემები (გვარი, სახელი, პირადი ნომერი, სპეციალობა, ჯგუფი), დამრღვევის ახსნაგანმარტება. შედგენილი ოქმი განსახილველად გადაეცემა

დისციპლინურ კომისიას/კოლეჯის ადმინისტრაციას, რომელიც ხელმძღვანელობს კოლეჯის შინაგანაწესით/ეთიკის კოდექსით.

მუხლი 5. პირველადი სამედიცინო დახმარების აღმოჩენის მექანიზმები

1. კოლეჯი უზრუნველყოფს კოლეჯში დასაქმებულებისა და პროფესიული სტუდენტებისთვის/მსმენელებისთვის კანონმდებლობით დაშვებული პირველადი დახმარების გაწევას.

2. პირველადი გადაუდებელი დახმარების შესაბამისი ინვენტარი განთავსებულია კოლეჯში შენობის სასწავლო პერიმეტრზე.

3. პირველადი გადაუდებელი დახმარების კარადში ინახება საჭირო სამედიცინო ინვენტარი, სამედიცინო და ჰიგიენური საშუალებები და მედიკამენტები.

4. პირველადი სამედიცინო დახმარების აღმოჩენაზე პასუხისმგებელია სპეციალური განათლების მქონე ექთანი, რომელთანაც გაფორმებულია შესაბამისი ხელშეკრულება

5. პირველად სამედიცინო დახმარებაზე პასუხისმგებელი პირი უფლებამოსილია:

ა) სამსახურებრივი ბარათის საფუძველზე მოითხოვოს აუცილებელი სამედიცინო მედიკამენტების შექმნა.

ბ) მიმართოს კოლეჯის ხელმძღვანელს პირველადი გადაუდებელი დახმარების აღმოჩენისათვის აუცილებელი სამედიცინო საშუალებების დაზიანების შემთხვევაში, შესაბამისი საშუალებებით ჩანაცვლების თაობაზე.

6. პირველად სამედიცინო დახმარებაზე პასუხისმგებელი პირი ვალდებულია:

ა) კოლეჯში დასაქმებულებს, პროფესიულ სტუდენტებს/მსმენელებს გაუწიოს პირველადი გადაუდებელი დახმარება;

ბ) გამოიძახოს სასწრაფო სამედიცინო დახმარება და დაუყოვნებლივ მიაწოდოს ინფორმაცია კოლეჯის ხელმძღვანელობას, არასრულწლოვანი პროფესიული სტუდენტის/მსმენელის შემთხვევაში ასევე მშობელს/კანონიერ წარმომადგენელს;

გ) პრევენციის მიზნით, გასცეს ინფორმაცია ინფექციური თუ ვირუსული დაავადების გავრცელების შესახებ ან/და მითითებები მათი გავრცელების თავიდან აცილების პირველადი ღონისძიებების თაობაზე;

დ) აკონტროლოს კაბინეტში არსებული სამედიცინო საშუალებების ხარჯვა და ვარგისიანობა, ასევე სამედიცინო ინვენტარის გამართული ფუნქციონირება;

- დ) აწარმოოს გამოყენებული სამედიცინო საშუალებების აღრიცხვა, სპეციალურ ფორმაში ინფორმაციის ელექტრონულად ან სპეციალურ ჟურნალში შეტანის გზით;
- ე) პასუხისმგებელი პირი უზრუნველყოფს კაბინეტში განთავსებულ მატერიალური ფასეულობების, მათი შენახვის/გამოყენების წესების დაცვას.

მუხლი 6 - გარდამავალი დებულებები

1. სსიპ „საქართველოს ფიზიკური აღზრდისა და სპორტის სახელმწიფო კოლეჯის“ უსაფრთხოების უზრუნველყოფის მექანიზმები მტკიცდება და საჭიროებისამებრ ცვლილებების შეტანა ფორმდება კოლეჯის დირექტორის ინდივიდუალური ადმინისტრაციული სამართლებრივი აქტით.
2. წინამდებარე დოკუმენტში ცვლილებების შეტანის ინიცირება შეუძლია უსაფრთხოებაზე პასუხისმგებელ პირს, რომელიც არგუმენტირებული მოთხოვნით მიმართავს კოლეჯის დირექტორს.
3. წინამდებარე დოკუმენტში ცვლილებების შეტანის შესახებ გადაწყვეტილებას იღებს კოლეჯის დირექტორი.